

आकाशवाणी

खबरां शगुफ्ता चौधरी कोला

1. संसद नै इक समान न्यायधिकरण बवस्था बनाने आस्तै न्यायधिकरण सुधार विधेयक पारित कीता।
2. भारत नै फही आखेआ ऐ जे अरुणाचल प्रदेश ओहदा अभिन्न हिस्सा ऐ ते इस सच्चाई गी कोई नेई बदली सकदा।
3. सुप्रीम कोर्ट नै स्पष्ट कीता ऐ जे हर लापता व्यक्ति दी उमर जां लिंग दी परवाह कीते बगैर तुरत एफ.आई.आर दर्ज कीती जानी लोड़चदी।
4. नासा नै भारती अंतरिक्ष अनुसंधान संगठन-इसरो गी अपनेचंद्रमा सरबन्धी कार्यक्रम च शामिल होने द सादा दिता ऐ।
5. पाकिस्तान दे नजैज कब्जे आह्वे जम्मू-कश्मीर च 13 अस्त थमां वैश्विक सतह पर बरोध-प्रदर्शन शुरू होडन।
6. मौसम मैहकमे नै ओडिशा च अगले 2-3 दिनें दरान भारी थमा मती भारी बरखा बरने दा ओरेंज अलर्ट जारी कीता ऐ।

<><><><><><><>

RS-Tribunal Bill

संसद नै न्याय अधिकरण सुधार बिल-2026 गी मंजूरी देई दिती ऐ। राज्यसभा नै अज्ज इसी पारित कीता जिसले के लोकसभा नै पैहले गै इस बिल गी मंजूरी देई दिती

दी ही। कन्नू ते न्याऽ राज्यमंत्री अर्जुन राम मेघवाल होरें इस विधेयक गी पेश कीता। इस विधेयक दा मकसद बक्ख-बक्ख न्याऽ अधिकरणों दे अध्यक्षें ते सदस्यें दी योग्यता ते नियुक्ति च पारदर्शिता ते इकरूपता आह्वना ऐ, कन्नै गै प्रशासन ते न्याय- अधिकरणें दे कम्मैं-काजें गी बेहतर करना ऐ।

<><><><><><>

MEA

भारत नै अज्ज फही आखेआ ऐ जे अरुणाचल प्रदेश भारत दा अभिन्न ते अनवृट्ट हिस्सा ऐ ते इस सच्चाई गी कोई नेई बदली सकदा। विदेश मंत्रालय दे प्रवक्ता रणधीर जायसवाल होरें नमीं दिल्ली च मीडिया गी जानकारी दिंदे होई आखेआ जे चीन दे कन्नै बन्नै कन्नै जुडे दे मामलें पर गल्लबात च भारत म्हेशा इनें मुद्दे गी बड़ी गंभीरता कन्नै लेंदा ऐ। उनें इब्बी आखेआ जे बन्ने कन्नै लगदे खेतरें च शांति ते रमानदारी बनाई रखना भारत आस्तै बेहद जरूरी ऐ।

<><><><><><>

PM-Gem

प्रधानमंत्री नरेंद्र मोदी होरें अज्ज आखेआ ऐ जे सरकारी ई-मार्केट प्लेस मती बद्ध भागीदारी, पारदर्शी खरीद ते बेहतर मौकें कन्नै सरकारी खरीद प्रक्रिया च बदलाव आहन्ना'रदा ऐ। मोदी होरें एह गल्ल बणज ते उद्योग मंत्री पीयूष गोयल हुंदे आसेआ जेम दे दस ब'रे पर लिखे गेदे इक लेख गी सांझा करदे होई आक्खी। इक सोशल मीडिया पोस्ट च प्रधानमंत्री होरें आखेआ जे टेक्नोलाजी दे इस्तेमाल कन्नै पिछले 10एं ब'रे च बपार करना मता सखलला होई गेआ ऐ ते एहदे कन्नै बजारै च मकाबलाकरने ते सबनै

गी किट्ठे लेइयै चलने दा म्हौल बनाया ऐ। एह्दे नै खासतौरा पर लोह्के, भलेआं लौह्के
ते महिला उद्यमियें गी बड़ा मता बढ़ावा थ्होआ ऐ।

<><><><><><><>

Parliament Proceeding

संसद दे दौनें सदनें दी कार्यवाही बक्ख-बक्ख मुद्दे गी लेइयै बरोधी धड़ें दे हंगामें दे
चलदे फ्ही स्थगित रेही। सरकार नै विद्यार्थियें कन्ने जुड़े दे मुद्दे पर तफसील कन्ने चर्चा
करने ते जुआव देने दी गल्ल आक्खी, पर कांग्रेस सने बरोधी दलें नारेबाजी जारी रक्खी।
हंगामें करी दौनें सदनें च प्रश्नकाल नेई होई सकेआ। लोकसभा अध्यक्ष ओम बिरला होरें
बी सदन दी कार्रवाई च बार-बार पवा रदे विघ्न पर अफसोस जताया। उनें आखेआ जे
सदन गल्लबात ते सैहयोग कन्ने चलदा ऐ। उ'आं हंगामे दे चलदे लोकसभा नै केरला
(नांs परिवर्तन) विधेयक 2026 ते राश्ट्री सहकारी विकास निगम (संशोधन) बिल 2026
पारित कीता। राज्यसभा नै बी न्यायधिकरण सुधार बिल-2026 गी मंजूरी देई दिती।

<><><><><><><>

Tiranga Yatra Punjab

भारत दे 80में स्वतंत्रता दिवस दे मौके पर पंजाब च हर घर तिरंगा अभियान दे तैहत
तिरंगा रैली कड़्डी गई। इस जातरा च ज्हारां बदे नौजवानें हिस्सा लैता। पंजाब बीजेपी
प्रधान केवल सिंह ़िल्लों हुंदी अगुवाई च रोपड जिले च ज्हारें-बदे नौजवानें हत्थें च
तिरंगा लेइयै देशभक्ति ते राश्ट्री एकता दा स्नेहा दिता।

<><><><><><><>

Har Ghar Tiranga

हर घर तिरंगा अभियान तैहत जम्मू खिते च केई कार्जक्रमें दा सरिस्ता कीता जा'रदा ऐ। जम्मू च पुलस आसेआ आर.एस.प.पुरा च तिरंगा रैली दा सरिस्ता कीता गेआ जेदे च हर आयू वर्ग दे लोकें हिस्सा लैता। प्रतिभागिणं हत्थें च राश्ट्री झंडे फगड़े दे हे ते रैली दरान देशभक्ति दे नारे लाए। उधमपुर जिले च जिला युवा सेवा ते खेड़ मैहकमे आसेआ हर घर तिरंगा अभियान तैहत बाइक रैली दा सरिस्ता कीता गेआ। उधमपुर दे डिप्टी कमिशनर मींगा शेरपा होरें डी.सी दफ्तर परिसर थमां रैली गी झंडी दस्सियै रवाना कीता। पुंछ च सेहत मैहकमे नै ए.एन.एम.वाई स्कूल कन्नै रलिए हर घर तिरंगा अभियान तैहत बूहटे लाने आह्नी मुहिम दी शुरूआत कीती। डिप्टी चीफ मेडिकल आफिसर डा. रूबी भट्टी होरें जत्र दी अगुवाई कीती।

<><><><><><><>

CS-Missiog Person CAse

सुप्रीम कोर्ट नै स्पष्ट कीता ऐ जे गुमशुदा व्यक्तियें दे मामलें च तुरत एफ.आई.आर दर्ज करने दा निर्देश उमर जां जेंडर गी ध्याना च रखदे होई सबनं पर लागू होंदा ऐ। न्यामूर्ति अहसानुद्दीन अमानुल्लाह ते न्यामूर्ति आर. महादेवन दी पीठ नै एहदी पालमा नेई करने आह्ने राज्यें ते केंद्र शासत प्रदेशें गी एह निर्देश दिता ऐ। कोर्ट नै एहदी पालमा नेई करने आह्ने राज्यें दे मुख्ख सचिवें ते पुलस प्रमुखें गी अदालत च आपूं पेश होइयै एह जुआन देने द निर्देश दिता ऐ तां जे उंदे खलाफ कार्रवाई कीं नेई कीती जा। मामले दी अगली सुनवाई 5 अक्तूबर गी होग। कन्नै गै इक होर मामले दी सुनवाई करदे होई सुप्रीम कोर्ट नै चुनांस आयोग थमां पच्छिम बंगाल च मतदाता सूची दे खास पुनरीक्षण एस.आई.आर दे दौरान मतदाताएं दे नांस हटाने कन्नै जुड़ी दी अपीलें पर हूनै

तगर दिते गेदे फैसलें दी जानकारी देने लेई आखेआ ऐ। मुख न्याधीश सूर्यकांत हुं' दी अध्यक्षता आह्नी पीठ नै कांग्रेस नेता अधीर रंजन दी उस याचिका पर बी ध्यान दिता जेदे च एसआईआर कन्नै जुडी दी अपीलें दा जल्दी गै नबेड़ा करने दी मंग कीती गई ऐ। कोर्ट नै इस मामले दी अगली सुनवाई 25 अगस्त गी मुकर्रर कीती ऐ।

<><><><><><><>

India US Space

नासा नै भारती अंतरिक्ष अनुसंधान संगठन-इसरो गी अपने चंद्रमा आधार कार्यक्रम च शामिल होने लेई न्यौता भेजेआ ऐ। एह् दौने देशें बशकार आर्टेमिस समझौते दे तैहत अंतरिक्ष सहयोग गी अगगे बधाने दी दिशा च इक बड्डी गैंs ऐ। भारत ते अमेरिका ते अंतरिक्ष कन्नै जुडे दे वैज्ञानिक आंकड़ें गी सांझा करने पर गल्ल्बात अगगे बधाने पर सहमति जताई ऐ। भारत च 5 ते 6 अगस्त गी बेंगलुरु स्थित इसरो मुख्यालय च भारत अमरीका सिविल अंतरिक्ष संयुक्त कार्य समूह दी नौमी बैठक होई ही।

<><><><><><><>

PM-SGMBY

सरकार नै दस्सेआ ऐ जे फरवरी 2024 च शुरू कीती गेदी प्रधानमंत्री सूर्य घर योजना कन्नै 50 लक्ख शा मते परोआरें गी लाह पुज्जा ऐ। अज्ज लोकसभा च इक सवाल दे लिखित परते च नमें ते अक्षय ऊर्जा मंत्री प्रहलाद जोशी होरें आखेआ जे इस स्कीम दे तैहत मुख्य भरै च 28 जहार करोड़ रुपें शा मती रकम सब्सिडी दे तौर पर जारी कीती गई ऐ। केंद्री मंत्री होरें आखेआ जे एह् मंग पर आधारित योजना ऐ जेहदे तैहत ग्रिड

कन्नै जुडे दे बिजली कनेक्शन आह्ने सब्बै रिहायशी उपभोक्ता घरें-मकानें दी छतें पर सौर उर्जा पैदा करने आह्ना सिस्टम लाने दा फायदा लेई सकदे न।

<><><><><><><>

EL-Nino

सरकारें आखेआ ऐ जे मौसम मैहकमे दे कन्नै रलियै मानसून दी स्थिति ते EL-NINO दा राई-बाई पर पौने आह्ने असर पर लगातार तक्क रक्खी दी ऐ। कृशि ते करसान कल्याण राज्यमंत्री रामनाथ ठाकुर होरें अज्ज लोकसभा च सुआलै दे लिखित परते च दस्सेआ जे जिनें 342 जिलें च घट्ट बरखें दी संभावना ऐ, उ'नें 15 राज्यें आस्तै जिला कृशि आपातकालीन योजना तैयार करी लैती दियां न। ठाकुर होरें दस्सेआ जे भारती कृशि अनुसंधान परिशद आई.सी.ए.आर नै कृशि विज्ञान केंद्रें आस्तै EL-NINO कन्नै होने आह्ने नुकसान गी घट्ट करने आस्तै जरूरी दिशा-निर्देश जारी कीते न। मंत्री होरें आखेआ ऐ जे राज्यें दी 172 लक्ख फही क्विंटल थमां बद्ध बीएं दी मंग गी दिखदे होई सुद्धी मात्रा च बीs उपलब्ध करोआए गए न। उनें इब्बी आखेआ जे केंद्री जल आयोग नै राज्य सरकारें गी तलाएं ते जमा कीते दे पानी दा सेही इस्तेमाल करने ते बेहतर सिंचाई बवस्था अपनाने आस्तै पैहलें गै योजना बनाने दी सलाह दिती गई ऐ।

<><><><><><><>

Mangal Milan

NDA संसदी दल दी साप्ताहिक बैङ्क मंगल मिलन अज्ज नमीं दिल्ली दे संसद भवन परिसर च लग्गी। बैठक च प्रधानमंत्री नरेंद्र मोदी, गृह मंत्री अमित शाह, बी.जे.पी अध्यक्ष नितिन नबीन ते एनडीए ते होरनें नेताएं राश्ट्री झंडे फैहराए।

<><><><><><><>

NDA-Parl. March

राष्ट्री जनतांत्रिक गठबंधन नै अज्ज संसद परिसर च झारखंड च छात्रें दे खलाफ कथित पुलिस कार्रवाई दे बरोध च मार्च कइडेआ। सांसदें आरोप लाया जे सरकार दे इस आश्वासन दे बावजूद के गृह मंत्री अमित शाह छात्र बरोध प्रदर्शनें पर प्रतिक्रिया देने आस्तै तैयार न, विपक्ष चर्चा शा बचा' रदा ऐ। एनडीए संसदीय दल दी साप्ताहिक मंगल मिलन बैठक दे मगरा एह मार्च कइडेआ गेआ। केंद्री मंत्री अनुप्रिया पटेल होरें विपक्ष पर जानी-बुझियै संसद दा कम्मकाज च रुकावट पैदा करने दा आरोप लाया। मीडिया कन्नै गल्लबात करदे होई पटेल होरें आखेआ जे विपक्ष नै पैहले पेपर लीक दा मुद्दा पुट्टेआ ते शिक्षा मंत्री हुंदे इस्तीफे दी मंग कीती, जिस सरकार नै मंजूर करी लैता। एहदे बावजूद विपक्षी दल चर्चा आस्तै तैयार नेई न। तोआई, कांग्रेस सांसद पवन खेड़ा होरें आखेआ जे विपक्ष लगातार गृह मंत्री अमित शाह कोला प्रदर्शनकारी छात्रें खलाफ कथित पुलिस कार्रवाई पर बयान दी मंग करा'रदा ऐ। खेड़ा होरें आरोप लाया जे गृह मंत्री इस मामले पर बयान देने शा बचा'रदे न।

<><><><><><><>

POJK-Protests

पाकिस्तान दे नैजज कब्जे आह्ले जम्मू-कश्मीर पी.ओ.जे.के च 13 अगस्त थमां बरोध-प्रदर्शन बक्ख-बक्ख देशें च बी कीते जाडन। एहदा मकसद पाकिस्तानी प्रशासन दा उत्थूं दे लोकें पर कीते जा' रदे अत्याचारें गी सामने आह्वाना ऐ। अवामी एक्शन कमेटी नै मुख्य भरै दे कश्मीरियें गी रैलियां आयोजित करने दा आह्वान कीता ऐ तां जे अंतरराष्ट्री

ध्यान आकर्षित कीता जाई सकै। ए.ए.सी नै 14 अगस्त गी ब्लैक डे मनाने दा बी फैसला कीता ऐ। प्रदर्शनकारिणं दा आरोप ऐ जे सुरक्षाबलें दी कार्रवाई च 60 थमां बद्ध लोक मारे गे न ते 500 थमां बद्ध घायल होए न।

<><><><><><>

Weather

मौसम मैहकमे नै ओडिशा च अगले 3 दिनें दरान मौलेधार बरखा कन्ने गरजी मिलकियै बरने दी चेतावनी जारी कीती ऐ। अगले 2 दिनें च अंडमान ते निकोबार द्वीप समूह अरुणाचल प्रदेश, असम, मेघालय, नागालैंड, मणिपुर, मिजोरम, त्रिपुरा ते राजस्थान च बी तेज बरखा ते गरजी-चमकियै बरने दे असार दस्से न।

<><><><><><>

JK-Weather

जम्मू-कश्मीर च अज्ज भारी शा बड़ी भारी बरखा होने दी मेद ऐ ते जम्मू संभाग दे किश जिले च खासतौरा पर रातीं बड़ी मती बरखा पौने दी संभावना ऐ। मौसम विज्ञान केंद्र नै अगले 3 दिनें दरान भारी बरखा ते अंधी-झक्खड़ दी पेशनगोई कीती ऐ। पिछले 24एं घंटे दरान कठुआ च 156 मिलीमीटर, जम्मू च 79 मिलीमीटर, कटड़ा च 71 मिलीमीटर ते साम्बा च 55 मिलमीटर बरखा दर्ज कीती गई। अधिकारिणं लोकें गी संवेदनशील इलाकें च चानचक्क हाड़, ल्हास पस्सियां पौने ते पानी किट्ठा होने दी चेतावनी दिती ऐ। बरखा दा दौर 19 अगस्त तगर घट्ट शिद्ध कन्ने जारी रौहे दी मेद ऐ।

<><><><><><><>

Jharkhand Naksal Free

झारखंड च राज्य पुलिस नै पच्छिम सिंहभूम जिले दे सारंडा, कोल्हान ते पोराहत वन खेतरें गी पूरी चाल्ली नक्सल मुक्त घोशित कीता ऐ। 4 नक्सलियें पुलसै अगगे अपने आपै गी सरेंडर करी दिता ऐ। इंदे च जेह्दे उपपर 10 लक्ख रुपें दा ईनाम रक्खे दा हा, ओह माओवादी सालुका कायाम बी शामिल ऐ। इनें लोकें चाईबासा पुलिस केंद्र च सिंहभूम रेंज दे डी.आई.जी अबुरंजन किसपोट्आ ते होरनें सीनियर पुलिस अधिकारिएं दे सामने आत्मसमर्पण कीता। डीआईजी होरें दस्सेआ जे पिछले इक बरे च 52 नक्सलियें सरेंडर कीता ऐ, 18 टाकरें च मारे गे न ते 29एं गी गिरफ्तार कीता गेआ ऐ।

<><><><><><><>

Farmers-IDS

सरकार नै आखेआ ऐ जे देश भरै च हुनै तगर 10 करोड़ 33 लक्ख शा मते करसान आई.डी बनाए जाई चुके दे न। एह्दे कन्नै प्रधानमंत्री किसान सम्मान निधि योजना, प्रधानमंत्री फसल बीमा योजना, घट्टोघट्ट समर्थन मुल्ल आधारित खरीद, दोआर कर्जे दी बंड ते आपदा राहत सेवाएं जनेह सिद्धे फायदे आह्नी स्कीमें गी एकीकृत करने च मदद थ्होग। केंद्री राईबाई ते करसान कल्याण राज्यमंत्री रामनाथ ठाकुर होरें इक लिखित परते च आखेआ ऐ जे करसान अपने मोबाइल फोन दा इस्तेमाल करियै आपूं करसान पंछान कार्ड लेई पंजीकरण करोआई सकदे न। उनें आखेआ जे इस पैहलकदमी कन्नै करसानें गी डिजिटल कृषि मिशन ते बक्ख-बक्ख करसान केंद्रित डिजिटल सेवाएं दा फायदा आसानी कन्नै हासल करने च मदद थ्होई ऐ।

<><><><><><><>

MSME

लौहके, भलेआं लौहके ते दरमयाने उद्यम मंत्रालय ते उद्योगें गी बढावा देने सरबन्धी मैहकमा यानि प्रोमोशन आफ इंडस्ट्री एंड इंटरनल मैहकमें नै भारत दे जी.आई टैग हासल उत्पादें गी बढावा देने ते उंदी वैश्विक बजारें तगर पुज्ज बनाने आस्तै इक समझौता जापन उप्पर दस्तखत कीते न। एहदा मकसद जी.आई टैग हासल उत्पादें दी गुणवत्ता बेहतर करना, बजारें तगर उंदी पुज्ज बनाना ते डिजिटल माध्यम कन्नै बढावा देना ऐ। एहदे कन्नै इक जिला इक उत्पाद बवस्था गी बी मजबूत कीता जाहग।

<><><><><><><>